

Telšiūs — "Alkas" moziejaus priestats

Šy pavasari Žemaitėjės suostėnie pradlets statytė Žemaitiu "Alkas" moziejaus priestats. Būs ons vos ne dėdiesnis ož senouji pagrindini moziejaus pastata. Svarbiausė statybas darbaa torietom būtė pabėngtė, stuogs oždlets jau šees metaas. Daugliausee tou rūpėnas pats Žemaitiu kultūras draugėjės pėrmininks, "Alkas" moziejaus dėrektorios KASPARAVIČIOS STANISLUOVS. Anuo ėr paprašėm pasakuotė, kaap vykst darbaa, kas lėkors naujuosies patalpuos?

— Naujouji priestata pruojektava Telšiū rajuona vyr. arkitektks Žebrausks Algėrdas, katros yr ėr Žemaičiu kultūras draugėjės prezidiuma narys. Stata AB "Guotika". Dėrb vyraa išsijousė. Džiaugamies ne tik tēmpaas, bet ėr kuokybė. Priestats yr mūravuojems tuo pačiuo vėituo, katra bova numatyta ėr senūsūs eskizūs (anėi bova darytė dar statont senouji pagrindini moziejaus pastata). Pagal senūsūs pruojektus mažne vėsas patalpas toriejė būtė skėrtas ekspozicėjuoms. Bet dabar, kaa nu moziejaus ikūrėma praejė mažne 6 dešimtmėtee, situacėjė yr žymee pasėkeitusi. Per tou laika moziejuo dėrba žmuonės, katrėi rinka ekspozonatus, duokumėntėnė medžega. Vėskuo tuo gera lig šiul ėe sosėkaupė aple 128 tūkstantee. Anėms laikytė reek atskėrū patal-

pū. Dėl tuo, pruojektoudamė priestata, anou po lygee dalėnuom ekspozicėjuoms ėr fondams. Planoujem pu tuo, ka būs pabėngtė vėsė statybas ėr senuosės dalėis remonta darbaa, išpliestė ėr ekspozicėju saliu pluota senuojie moziejaus dalie. Dabar tuos patalpuos yr moziejaus fondu saugyklas. Šindėin konkreetee pasakytė, kuokės naujės ekspozicėjės atsėras, dar negalem, nes tas būs planuojama ėr daruoma tumet, kaa jau toriesem sotvarkytas tam patalpas. Vuo darbū yr daug. Reeks ėr naujuosės dalėis vėdaus apdailuos yrangas darbus atlėktė, reikiēs ėr senoujė dali iš pagrindū soremontoutė. Dabar i tou moziejaus kalnieli ateit tik elektra. Teep ka moziejos vėsaa yr nu civilizacėjės atėtrūkės. Reek ėe atvestė vondėntieki, kanalizacėjė, dujuoteki, irėngti sanitarinius taškus, rūbėnė, stuogus perdėngtė. Tou laiko dėdliuoji dalės dabar senuosies patalpuos esončiu ekspozonatu ėr fondu būs perkelta i priestata. Pu tuo jau pradiesam pagal sodaryta ekspozicėju ėr fondu saugyklu irėngėma pruojekta kraustytė ekspozonatus i anū nuolatėnės vėitas. Tas pareikalaus daug piningū. Meslėjem, ka mumis ėr tuoliau rėms Vyriausybė, Telšiū miesta savėvaldybė. Teik vėinė, teik kėtė, pradėdnt darbus, soprata, kad tuoliau nabgal nieka balauktė — dėdliausė kultūras pavelda tortaa lig šiul juk mūsa moziejuo bova laikuomė bluoguos saalyguos. Dėl tuo, ka trūka ekspozicėju saliu, daug vertybiu bova sokėšta i sau-

gyklas ėr eilėnee moziejaus lonkytuojee natoriejė galėmybės anū pamatyte.

Moziejaus priestata statybas idiejė bova iškelta jau pryš pėnkis metus — pėrmūsūs Žemaitiu kultūras draugėjės aktyva sosėrinkėmus. Naužmėršuum anuos. Priestats Telšiūs būs pastatyts, teep kaap ka Draugėjės rūpėsnio ka bova pastaityta ėr Rainiū kuoplyčė — paminėklos mūsa tautuos kančiuoms.

Dėdliausis mūsa rūpėsnis, ka Žemaičiu "Alkas" moziejos atgimtom ėr būtom tėkros dvasinis Žemaitėjės kultūras cėntros. Ons tor būtė Žemaitėjės naciounalėnis moziejos, ont katruo kabuos Žemaitėjės vieleva. Ana jau patvirtinta Lietovuos Geraldikas kuomisėjuo. Tėn jau patvirtints ėr Žemaitėjės gerbs. Dabar bėngama sorinktė istuorėnė medžega aple gerba, vieleva. Po tuo vėsk būs pateikta tvirtintė Lietovuos Respublėkas Prezidentou. Mes meslėjem, ka i tou būs paveizieta vėsaa rimtaa ėr mes galiesem pradietė nauduoatė Žemaitėjės atributika.

Dėdėlė darbaa vykst ėr Varniūs. Ėe restauruojama Konėgū semėnarėjė. Jau esam gavė rajuona valdžiuos sotėkėma, ka tas pastats būs nauduojems kultūrėniems reikiems. Pėrmiausee ėe torietom būtė ikorts Žemaičiu vyskupystės ėr Žemaitėjės sakralėnė mena moziejos. Patalpas dėdėlės. Dėl tuo ėe, jee tik nuories, galies isikeltė ėr vie nuolee ar dalės Telšiū konėgū semėnarėjės. Bet vėskas tas spreesės po tuo, ka būs pabėngtė darbaa.

Spaudaa paruošė
RAMONAITĖ DANUTĖ



ŽEMAITIU ŽEMĖ 494

Ne tik filatelistams

Daug išleista pašto ženklų, skirtų Žemaitijai. Tai ir Klaipėdos, Šiaulių, Telšių, Skuodo herbai, ir Klaipėdos uostas, ir Kęstutis su Birute Palangoje bei koplytelė ant Birutės kalno, ir visa eilė kitų pašto leidinių. Atskirą grupę sudaro 1920-1923 metais išleisti Klaipėdos krašto pašto ženklai. O jau Lietuvos bei užsienio šalių ženklus, skirtus iš Žemaitijos kilusiems ar čia gyvenusiems bei dirbusiems žymiems žmonėms, sunku būtų ir išvardinti.

1994 metų birželio 25 dieną filatelistų kolekcijas papildė dar trys nauji ženklai. Pagal dailininkės Rūtos Lelytės piešinius išleisti ženklai "Žemaičių tautiniai drabužiai". Jų kaina 5 ct, 80 ct ir 1 Lt. Visų ženklų tiražas — pusė milijono, tad jų turėtų pakakti visiems norintiems. Išleidimo dieną Vilniaus centriniame pašte šie ženklai buvo žymimi specialiu "Pirmos dienos" pašto antspaudu. Gaila, žinoma, kad ne Telšių pašte, bet tajp jau nutarė vilniečiai. Išleistas ir specialus savaite anksčiau pradėtas pardavinėti vokas "Žemaitija. Lietuvos liaudies muziejus". Jo piešinį sukūrė dailininkas R. Aranauskas. Visi šie pašto leidiniai turėtų sudominti tiek Lietuvos, tiek užsienio filatelistus.

Ričardas VAINORA